

Յանգուած ՀԲԸՄԻ Գահիրէի «Տեղեկատու» եռամսեային
Թիւ 105, Հոկտեմբեր 2022



ՕՆՆՕ ՊԸԼԸՔՏԱՆԵԱՆ
(1953 - 2022)

Խմբագիր՝ Մարուշ Երամեան
Էջադրում՝ Շահէ Լուսարարեան
Տպագրութիւն՝ Nubar Digital



ԴԻԻԱՆ

ԳԱՀԻՐԷԻ ԱՂԳԱՅԻՆ ԱՌԱՋՆՈՐԴԱՐԱՆԻ

ՄԱՅ ԱԶ Դ

Եզիպտոսի Հայոց Թեմի Ազգային Առաջնորդարանը կը գումէ մահը
Գահիրէի Պատկ. Թեմական Ժողովի երկարամեայ անդամ եւ
Պատ. Քաղաքական Ժողովի գործող Ատենապետ

ՏԻԱՐ ՕՆՆԻԿ ՊԸԼԸՔՏԱՆԵԱՆԻ

Ազգային յուղարկատրութիւնը տեղի պիտի ունենայ

Երկուշաբթի, 8 Օգոստոս 2022-ին, Ժամը 1:00-ին,

Ս. Գրիգոր Լուսաւորիչ եկեղեցւոյ մէջ.

Ապա հանգուցեալին մարմինը պիտի փոխադրուի եւ ամփոփուի
Հելիոպոլսոյ Ամենայն Սրբոց Ազգային Գերեզմանատան ընտանեկան դամբարանին
մէջ:

Ընտանիքը ցաւակցութիւնները պիտի ընդունի

Չորեքշաբթի, 10 Օգոստոսին,

կէսօրէ ետք Ժամը 6.00-էն սկսեալ,

Ազգային Առաջնորդարանի դահլիճին մէջ:

Այս տխուր առիթով Եզիպտոսի Հայոց Թեմի հոգեւոր դասի,
Գահիրէի եւ Աղեքսանդրիոյ Ազգային իշխանութիւններու
եւ յարակից մարմիններու անունով խորազգաց
ցաւակցութիւններ կը յայտնենք հանգուցեալի ընտանիքին,
հարազատներուն, բարեկամներուն
ու միութենական ընկերներուն:

Խունկ, աղօթք եւ բիրտ օրհնութիւն հանգուցեալի հոգւոյն

ՀԲԸՄԻ ԳԱՀԻՐԷԻ ՄԱՍՆԱՃԻՒՂԻՆ ԽՕՍՔԸ

ՕՆՆԻԿ ՊԸԼԸՔՏԱՆԵԱՆԻ յուղարկաւորութեան

Յարգելի սգակիր բարեկամներ,

Տասը օրեր առաջ եկած էինք հրաժեշտ տալու ՀԲԸՄԻ կարեւոր անուններէն տոքթոր Վիգէն Ճիզմէճեանին: Այսօր անգամ մը եւս կու գանք ծանր սրտերով եւ խորունկ տխրութեամբ մեր վերջին յարգանքը մատուցելու եգիպտահայ համայնքի արժանաւոր գաւակներէն մէկուն, ՕՆՆԻԿ ՊԸԼԸՔՏԱՆԵԱՆԻ:

Իւրաքանչիւր անհատ, որ կեանքը կը նուիրաբերէ իր համայնքի բարօրութեան, կ'աշխատի իր կարելին ընել այդ համայնքին գաւակներուն կեանքը դիւրասահ դարձնելու համար, արժանի է ոչ միայն յարգանքի, այլ եւ յիշուելու մեր համայնքին պատմութեան մէջ:

Օննիկ Պըլըքտանեան, մեր բոլորին սիրելի Օննօն կու գար եգիպտահայ այնպիսի ընտանիքէ մը, որուն համար նուիրումն ու ծառայութիւնը կենսաձեւ էին, կեանքը իմաստաւորող միջոցներ: Հաւանաբար այս է պատճառը, որ Օննիկ Պըլըքտանեան իր կեանքի ընթացքին, ըլլալով ծառայասէր, միշտ եղած է կարեւոր պաշտօններու վրայ, միշտ զբաղեցուցած է մեր համայնքին համար էութեանկան նշանակութիւն ունեցող դիրք:

Այսօր Օննօ Պըլըքտանեան ատենապետն էր Հայկական Բարեգործական Ընդհանուր Միութեան Շրջանակային Յանձնաժողովին, ուր շրջան մը վարած է նաեւ գանձապահի պաշտօն, ինչպէս եւ փոխ ատենապետը ՀԲԸՄԻ Գահիրէի Մասնաճիւղին:

Մինչեւ իր անժամանակ մահը Օննիկ Պըլըքտանեան ատենապետն էր Գահիրէի Քաղաքական ժողովին: Եղած է փոխ ատենապետ Գահիրէի Պատկառելի Թեմական ժողովին:

Եղած է պատասխանատուն Հայոց ցեղասպանութեան 100-ամեակի Ոգեկոչումին Եգիպտոսի տարածքին գործող հրատարակչական յանձնախումբին:

Եղած է անդամ Հայ Գեղարուեստասիրաց Միութեան Երիտասարդական Յանձնախումբին եւ ամբողջ 10 տարի ատենապետը անոր, որմէ ետք, աւելի քան 25 տարիներ զբաղեցուցած է Հայ Գեղարուեստասիրաց Միութեան գանձապահի պաշտօնը:

Մաս կազմած է ՀՄԸՄ ՆՈՒՊԱՐ մարզական ակումբին վարչութեան:

Օսնիկ Պըլըքտանեան աւարտած է Գոլէժ Տը լա Սէնթ Ֆամիլ երկրորդականն ու պատուոյ յիշատակութեամբ շրջանաւարտ եղած է Գահիրէի Ամերիկեան Համալսարանէն, ուրկէ նաեւ ստացած է իր մագիստրոսական աստիճանը (masters), վարչագիտութեան մէջ:

Ազնիւ, ծառայասէր, լրջախոհ, խղճամիտ եւ բարի հոգւոյ տէր Օսնիկ Պըլըքտանեան, իր վարած պատասխանատու պաշտօններուն բերումով ձեռք բերած է հարուստ փորձառութիւն, որ զինք իրաւամբ կը դարձնէ մեր գաղութին հասարակական գործիչներէն մէկը, որուն պիտի նային գալիք սերունդները որպէս տիպար:

Աստուծոյ մխիթարութիւնը կը հայցենք իր ազնիւ տիկնոջ, զաւակներուն, քրոջ, որուն ցաւը կրկնակի է, ընտանիքին եւ համայնքիս իւրաքանչիւր անդամին համար:

Լոյսերու մէջ հանգչի խաղաղութեամբ իր ազնիւ հոգին:

ՀԲԸՄիութեան Գահիրէի Մասնաճիւղ

Ողբացեալ Օսնիկ Պըլըքտանեանի քառասնօրեայ հոգեհանգստեան արարողութիւնը տեղի ունեցաւ Հինգշաբթի, 15 Սեպտեմբեր 2022-ին, Հելիոպոլսոյ Ամենայն Սրբոց գերեզմանատան մատուռին մէջ:

ԴԱՄԲԱՆԱԿԱՆ

Գահիրեի Պատկառելի Թեմական Ժողովի ատենադպիր
Տոքթ. Սուրեն Պայրամեանի դամբանական խօսքը
Ողբացեալ Օննիկ Պըլըքտանեանի յուղարկաւորութեան
Ս.Գրիգոր Լուսաւորիչ Եկեղեցի , Գահիրէ
Բշ. 8 Օգոստոս 2022

Գերաշնորհ, Գերապայծառ եւ Արժանապատիւ հոգեւոր Հայրեր,

Յարգարժան ներկայացուցիչ Հ.Հ. Գահիրեի Դեսպանութեան,
Սգակիր յուղարկաւոր հայրենակիցներ,

Յանուն Գահիրեի Ազգային Իշխանութեան, Պատկառելի Թեմական եւ Պատուարժան Քաղաքական Ժողովներու երեսփոխան անդամներուն, յարակից Հոգաբարձութիւններու վարչական պատասխանատուներուն, կու գանք խոնարհիլ դադաղի մը առջեւ, որ անշնչացած մարմինը կը պարփակէ հաւատաւոր հայորդիի մը, որ կեանքը երկար տարիներ ի սպաս դրաւ իր հաւաքականութեան եւ ժողովուրդին օգտակար հանդիսանալու առաջադրութեան :

Ոչ եւս է Օննիկ Պըլըքտանեան:

Ոչ եւս է եգիպտահայ ժամանակակից ազգային հասարակական կեանքի անխոնջ նուիրեալ, կրթական, բարեսիրական, մշակութային եւ մարզական կազմակերպութիւններու հաւատաւոր բարեկամը :

Դժուար է հաշտուիլ այն մտածումին հետ, թէ յարգուած ու սիրուած նուիրեալ մը, գործակից մը, ընդմիշտ դադրած է ապրելէ ու անցած յաւիտենականութեան:

Սակայն, հակառակ այս զգացումին, կարելի չէ անտեսել տխուր իրականութիւնը եւ ուրանալ ցուրտ փաստը, թէ նկատի ունենալով տոկոսային հաշուով հասարակական կեանքի մէջ գործող անհատներու նուագումը, մեծապէս գնահատելի է այն քիչերուն արժէքը, որոնք կառչած կը մնան սկզբունքներու տեսլականին, անձնուրաց կերպով իրենց կարելին տրամադրելով՝ շրջապատի հաւաքականութեան, ժողովուրդին, եկեղեցիին եւ հայրենիքին :

Հոս է ահաւասիկ, որ կրկնակի կը սգանք բոլորին սիրելի Օննիկ Պըլըքտանեանի կորուստը, եւ սրտաբեկ ապրումներով

եկած ենք յուղարկաւորելու համար զինք, անհուն կսկիծով եւ վշտաբեկ սրտով հայու բեկոր մը եւս յանձնելու Եգիպտոսի ասպնջական հողին:

Պէտք չէ մոռնալ, թէ ինչ որ ազգին ու հաւաքականութեան կը տրուի, կը մնայ, շրջապատը կ'ապրեցնէ ու ինք կ'ապրի, կը գոյատեւէ եւ կ'անմահանայ:

Ինչպէ՞ս չիշել մեծանուն բանաստեղծին իմաստալից բառերը.

«Կեանքէն ինծի ի՞նչ մնաց,

Ինչ որ տուի ուրիշին, տարօրինակ այն միայն»:

Դիւրին է ու հեշտ ապրիլ մահէն առաջ, բայց դիւրին չէ ապրիլ մահէն ետք, որ քիչերուն կը պատկանի միայն:

Պէտք է գիտնալ մահը յաղթահարել, շինիչ գործով միայն.

«Մահը մերն է մենք մահինը՝

Մարդու գործն է միշտ անմահ...»

Օննիկ Պըլըքտանեան, ասդենական կեանքը իմաստաւորեց անվերապահ զօրակցութիւն ցուցաբերելով բոլորին, խոնարհութեամբ մեծութիւն կերտեց, եւ յարգանքի արժանացաւ բոլորէն:

Գահիրէի Թեմական եւ Քաղաքական Գործադիր Ժողովներուն անդամակցութեամբ եւ արժանավայել ատենապետութեամբ, Հայկական Բարեգործական Ընդհանուր Միութեան առաքելութեան մէջ իր վաստակաշատ աշխատանքին կողքին, կրթական մարզի մէջ եւս ուսանող երիտասարդութիւնը քաջալերելու տիպար կեցուածքով՝ ան իր ազնիւ քրոջ հետ Գահիրէի Ազգային Առաջնորդարանի հովանաւորութեամբ հաստատեց «Կանոնագիր Արթուր Եւ Այտա Պըլըքտանեաններ» Հիմնադրամի Գալուստեան եւ Նուպարեան Ազգային Վարժարանի Գերազանց աշակերտներու քաջալերական նուէրներ յատկացնելու համար» անունով պատուաբեր նախաձեռնութիւնը:

Թող ողբացեալին տիպարը, օրինակ հանդիսանայ այսօրուան եւ վաղուան նորահաս սերունդներուն, որոնք պիտի գան յանձնառու դառնալու իրենց փոխանցուած դրօշը արժանապատիւ պահելու առաքելութեան:

Գահիրէի համայնքը, իր բոլոր հատուածներով, կը սգայ անժամանակ կորուստը՝ միասնականութեան մէջ հաւաքականութեան ուժին հաւատացող իր զաւկին:

Վաստակաշատ եւ բարեյիշատակ հայորդի, թող Ամենակալն Աստուած ամոքէ հարազատներուդ անդարմանելի վիշտը, տալով՝ անսահման մխիթարութիւն:

Յարգանք՝ անմոռաց նուիրաբերումիդ եւ վաստակիդ:

Հողը թեթեւ թող գայ յոգնաբեկ աճիւններուդ:

Krikor Coussa

Պատրիարքարան Աղեքսանդրիոյ Կաթողիկէ Հայոց
Patriarcat Arménien Catholique d'Alexandrie

بطيركية الاسكندرية للأرمن الكاثوليك

Կը ցաւակցինք հանգուցեալ Օննիկ

Պըլըքտանեանի

ընտանիքին, հարազատներուն , Գահիրէ ՀՄԸՄ
ՆՈՒՊԱՐԻ վարչութեան , Գահիրէի Քաղաքական
Ժողովի , Գահիրէի Թեմական Ժողովի , Գահիրէի
ՀԲԸՄի Շրջանային Ժողովի , Գահիրէի ՀԲԸՄի
Տեղական Ժողովի եւ բարեկամներուն:

Թող հանգուցեալ Օննիկին մաքուր հոգին հանգչի
երկնքի արքայութեան մէջ եւ յիշատակը անթառամ
մնայ:

Յիշատակն արդարոց օրհնութեամբ եղիցի:

+Հայր Գրիգոր Օգոստինոս Եպս. Գուսան
Առաջնորդ Աղեքսանդրիոյ Կաթողիկէ Հայոց



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԵՍՊԱՆ - ԿԱԶԻՐԵ
AMBASSADOR OF THE REPUBLIC OF ARMENIA - CAIRO

No. 03/283

Կահիրե, 8-ը օգոստոսի, 2022թ.

Հայ Առաքելական եկեղեցու Եգիպտոսի թեմի առաջնորդ,
Գերաշնորհ Տեր Աշոտ Եպիսկոպոս Մնացականյանին,
Կահիրեի Պապ. Թեմական ժողովին,
Պապ. Քաղաքական ժողովին,
Սիրելի Պրլըքտանեան ընտանիքին,

Արտի խորը կսկիծով տեղեկացանք Կահիրեի Պատ. Թեմական ժողովի երկարամյա անդամ և Պատ. Քաղաքական ժողովի ատենապետ պարոն Օննիկ Պրլըքտանեանի մահվան տխուր լուրի մասին:

Անուրանալի է Եգիպտոսի հայ համայնքի հասարակական կյանքում և Հայաստան-Սփյուռք հարաբերությունների ամրապնդման գործում պարոն Օննիկ Պրլըքտանեանի ունեցած ներդրումը: Նրա հայրենասեր ու ազգասեր մարդու կերպարը մշտապես վառ կմնա բոլորիս հիշողություններում:

Հայաստանի դեսպանության ողջ անձնակազմի և անձամբ իմ անունից խորին վշտակցություն եմ հայտնում ձեզ՝ մաղթելով համբերություն և ոգու արիություն:



Հրաչյա ՓՈԼԱԴՅԱՆ

20 Mohamed Mazhar Street, Zamalek, Cairo, Tel. 27374157, 27374159, Fax: 27374158
Email: h.poladian@mfa.am, Website: <http://www.egypt.mfa.am>

8 Օգոստոս 2022

Տիկին Արշօ Պրլըքտանեան
Գահիրէ, Եգիպտոս

Ազնիւ Տիկին Պրլըքտանեան,

Հայկական Բարեգործական Ընդհանուր Միութեան անունով եւ անձնապէս, մեր խորագգաց
ցաւակցութիւնները կը փոխանցենք ձեզի, ձեր զաւակներուն՝ Արթին եւ Սարօին եւ ձեր
ընտանեկան պարագաներուն եւ հարազատներուն, ձեր սիրելի ամուսնոյն եւ մեր բոլորէն
սիրուած եւ զնահատուած Օննիկ Պրլըքտանեանի անժամանակ մահուան տխուր առիթով:

Իր վաղահաս մեկնումը, զինք մաշեցնող անողորմ հիւանդութեան պատճառով, խոր ցաւ կը
պատճառէ եւ ծանր կորուստ մըն է մեր Միութեան մեծ ընտանիքին եւ համայնքային մեր
կառոյցներուն համար, ուր ան որպէս առաջնորդող դէմք, իր օրինակելի վարքով եւ ձեռնհաս
ու շրջահայեաց ղեկավարութեամբ, համերաշխ գործակցութեան ոգի, ապահովութիւն եւ
լուստեսութիւն կը ներշնչէր, մեր ազգային թեմական կառոյցներուն եւ մշակութային ու
երիտասարդական կազմակերպութիւններուն շուրջ համախմբուած գործօն շրջանակներուն:

Համոզուած ենք որ Օննիկ Պրլըքտանեանի հարուստ վաստակը երախտագիտութեամբ պիտի
նշուի միշտ, կենդանի պահելով իր բարի յիշատակը բոլոր զինք սիրողներու եւ յարգողներու
միտքերուն եւ սրտերուն մէջ, Եգիպտոսէն ծնունդ առած մեր միութենական երախտաւոր
առաջնորդներու շարքին, որոնց յիշատակը օրհնութեամբ կը յիշուի միշտ:

Այս առթիւ մեր ցաւակցութիւնները կը փոխանցենք նաեւ Հ.Բ.Ը.Մ.ի Եգիպտոսի Շրջանակային
Յանձնաժողովին, վարչութիւններուն եւ յանձնախումբերուն, մաղթելով որ անոնք իրենց
հաւատաւոր աշխատանքով շարունակեն վառ պահել հանգուցեալ Օննիկ Պրլըքտանեանի
յիշատակը:

Վշտակցութեամբ՝



Պերճ Սեդրակեան
Նախագահ

Երեւան, 8 Օգոստոս 2022

Հ. Բ. Ը. Միության եգիպտոսի Ծրջանակային Ցանձնաժողով,

Հ. Բ. Ը. Միության Գահիրեի Մասնաճիւղ,

Միրեյի Միությանականներ եւ բարեկամներ,

Խորունկ ցատկ եւ կսկիծով իմացանք եգիպտահայ զարդաթի ազգային-միությանական գործիչներին, Գահիրեի Հայոց Թեմի Թեմական ժողովի անդամ, Զաղաբական ժողովի եւ Հ. Բ. Ը. Մ. ի եգիպտոսի Ծրջանակային Ցանձնաժողովի Ատենապետ Տիար Օննիկ Պըըքտանեանի մահուան գոյժը:

Մեր տարաբախտ հայրենակիցը եգիպտահայոց ազգային կեանքին եւ ի մասնատրի Հ. Բ. Ը. Մ.-ին ներս կարեւոր պատասխանատուութիւններ ստանձնած էր տարիներ շարունակ: Անոր անժամանակ մեկնումը երկրային այս կեանքին ծանր եւ անդառնալի կորուստ մըն է բոլորիս համար: Մենք զինք ճանչցած ենք որպէս հայրենասեր, ծառայասեր եւ միությանանուէր անձնատրութիւն մը, որ անմնացորդ նուիրում էր Միությանս վեհ առաքելութեան եւ նպատակներուն:

Ձեզի հետ միասին մենք նոյնպէս խորապէս կը սգանք Օննիկ Պըըքտանեանի անդառնալի կորուստը: Ցանուն Հայաստանի Հ. Բ. Ը. Մ. ի, եւ անձամբ իմ կողմէ, խորունկ ցաւակցութիւններ կը յայտնեմ հանգուցեային սգակիր ընտանեկան պարագաներուն, հարազատներուն, բարեկամներուն, ինչպէս նաեւ Հ. Բ. Ը. Մ. ի եգիպտոսի մեր ողջ Ծրջանակին, մաղթելով տոկոսութիւն եւ հաստատակամութիւն՝ դիմանալու վերջին շրջանի իրերայաջորդ մարդկային ցաւալի կորուստներուն:

Թող Աստուած խաղաղութիւն եւ հանգստութիւն շնորհէ ննջեցեային հոգիին:

Խորին վշտակցութեամբ՝



Վազգէն Եագուպեան

Հ. Բ. Ը. Մ. Հայաստանի Նախագահ

Հ. Բ. Ը. Միության Կեդրոնական Վարչական ժողովի անդամ



Armenian Virtual College

29 Օգոստոս, 2022

ՀԲԸՄ-ի Եգիպտոսի Շրջանակային Ցանձնաժողովի

Պատուարժան անդամներ,

Միտի խոր կսկիծով իմացանք եգիպտահայ համայնքի արժանաւոր զաւակներէն Օսնիկ Պըլըքտանեանի եւ տոքթ. Վիզէն Ճիզմէճեանի անժամանակ մահը:

Օրինակելի եւ տիպար այս հայորդիները, իրենց ամբողջ կեանքի ընթացքին եգիպտահայ համայնքէն ներս ստանձնած են զգայուն բազմաթիւ պաշտօններ, որոնք վարած են մեծ բարեխղճութեամբ, պատիւ բերելով ՀԲԸՄ-ին եւ եգիպտահայ համայնքին:

Բախտը ունեցած էմ անձամբ ճանչնալու Հայկական Բարեգործական Ընդհանուր Միութեան Եգիպտոսի Շրջանակային Ցանձնաժողովի ատենապետ Օսնիկ Պըլըքտանեանն ու Հայկական Բարեգործական Ընդհանուր Միութեան Գահիրէի մասնաճիւղի ատենապետ տոքթ. Վիզէն Ճիզմէճեանը:

Երկու հայորդիներն ալ եղած են ջանասէր եւ հոգատար միութենականներ, որոնք ոչինչ խնայած են նպաստելու Միութեան գործունէութեան զարգացմանն ու ծաղկմանը:

Որպէս հայրենասէր եւ ուսումնասէր ազգային-հասարակական գործիչներ, կարեւորելով հայկական կրթութեան դերն ու առաքելութիւնը, աջակից դարձած են ՀԲԸՄ-ի Հայկական Համացանցային Համալսարանի հայագիտական ծրագիրներուն կիրառմանը՝ եգիպտահայ համայնքէն, ի մասնաւորի Միութենական կառոյցներէն ներս: Եգիպտոսի Միութենական կառոյցներուն եւ ՀՀ-ի միջեւ համագործակցութիւնը իսկապէս կարելի դարձած է իրենց անմիջական եւ անդուլ աշխատանքին շնորհիւ:

Եգիպտահայ համայնքին եւ հասարակութեան ձեռնհասօրէն ծառայած ազնիւ միութենականներուն մահը մեծ ցաւ է եւ կորուստ:

ՀՀ-ի ընտանիքի եւ անձամբ իմ կողմէս մեր խորին ցաւակցութիւնն ու վշտակցութիւնը Օսնիկ Պըլըքտանեանի եւ տոքթ. Վիզէն Ճիզմէճեանի ընտանիքներու պարագաներուն, հարազատներուն ու բարեկամներուն:

Խունկ եւ աղօթք իրենց յիշտակին:

Յիշատակն արդարոց օրինութեամբ եղիցի...

Յարգանք

Դոկտ. Երուանդ Ձօրեան

ՀԲԸՄ ՀՀ-ի հիմնադիր նախագահ

ՀԲԸՄ-ի Կեդրոնական Վարչական Ժողովի անդամ

للعلم والخبر
١٩٤٥ ١٣٣١

جمعية شباب انترانيك

ՀԲԸՄ – ՀԱՅ ԵՐԻՏԱՍԱՐԴԱՅ ԸՆԿԵՐԱԿՑՈՒԹԻՒՆ
ANTRANIK YOUTH ASSOCIATION



Պեղրուք, 10 Օգոստոս 2022

7910/ԱԵ/ակ

Թանկացին սգակիր հարազատներ,

Մյուսի դառն կսկիծով իմացանք ՀԲԸՄ-ի Եգիպտոսի Շրջանակային Ցանձնաժողովի ատենապետ Օննիկ Պըլըքտանեանի անժամանակ մահը:

Հանգուցեալ Օննիկ Պըլըքտանեան եղած է նուիրեալ Միութենական մը, շնորհիւ իր բազմակողմանի ծառայութիւններուն, վայելած է շրջանակին յարգանքն ու համակրութիւնը:

ՀԲԸՄ- ՀԵԸ-ի Կեդրոնական Վարչութեան անունով մեր խորագգած ցաւակցութիւնը կը յայտնենք ՀԲԸՄ-ի Եգիպտոսի, Գահիրէի, ՀՄԸՄ-Նուպարի եւ համայն միութենականներուն, ինչպէս նաեւ հանգուցեային տիկնոջ եւ ընտանեկան բոլոր պարագաներուն:

Ի դիմաց

ՀԵԸ-ի Կեդրոնական Վարչութեան

Ատենադպիր

Աբգ

Ցակոբ Թէլվիզեան

Ատենապետ

Վիգէն Չերչեան



مرکز دميرجيان - نقاش - ص.ب. ٤٠٢ (أنطلياس) - لبنان. هاتف/فاكس: ٥٣٣٠٤٣/٤

Demirdjian Center - Naccash - P.O. Box 402 (Antelias) - Lebanon. Tel./Fax: 04-523043/4 - 81-374074

E-mail: antranik.agbulb@yahoo.com

ՑԱԽԱԿՑԱԳԻՐ

Ռամկավար Ազատական Կուսակցության Եգիպտոսի Շրջանային Վարչության ու «Արել»ի շրջանակի անունով անհուն կսկիծ կը յայտնենք Գահիրէի Թեմական Ժողովի երկարամեայ անդամ, Գահիրէի Քաղաքական Ժողովի եւ ՀԲԸՄի Շրջանակային Յանձնաժողովի ատենապետ Տիար Օննիկ Պըլըքտանեանի մահուան տխուր առիթով:

Տիար Օննիկ Պըլըքտանեանի անխնայ եւ բոլորանուէր երկարամեայ գործունէութիւնն ու ծառայութիւնը անմոռանալի են Գահիրէի ՀԲԸՄ-ի շրջանակին եւ եգիպտահայ գաղութի պատմութեան էջերուն մէջ, որոնք հպարտութեամբ պիտի կրեն ու յաջորդողներուն պիտի փոխանցեն օրինակելի այս տիպարին՝ Տիար Պըլըքտանեանին լիիրաւ վաստակը:

Սրտագին մեր ցաւակցութիւնը կը յայտնենք Գահիրէի ՀԲԸՄ-ի շրջանակին, հանգուցեալի տիկնոջ, զաւակներուն եւ ընտանեկան բոլոր պարագաներուն: Յաւերժական հանգիստ, լոյս եւ խաղաղութիւն տիար Օննիկ Պըլըքտանեանի հոգւոյն:

ՌԱԿ

*Եգիպտոսի Շրջանային Վարչութիւն
եւ «Արել»ի շրջանակ*



ՀԱՐՑԱԶՐՈՅՑ
ՀԲԸՄ-Ի ԵԳԻՊՏՈՍԻ ՇՐՋԱՆԱԿԱՅԻՆ ՅԱՆՁՆԱԺՈՂՈՎԻ
ՆՈՐԱՆՇԱՆԱԿ ԱՏԵՆԱՊԵՏ
ՏԻԱՐ ՕՆՆԻԿ ՊԸԼԸՔՏԱՆԵԱՆԻ ՀԵՏ

Ինչպես “Տեղեկատու”-ի նախորդ թիւով նշած էինք, ՀԲԸՄ-ի Կեդրոնական Վարչական Ժողովին որոշումով, Տիար Օննիկ Պըլըքտանեան Հոկտեմբեր 2014-էն սկսեալ, ՀԲԸՄ-ի Եգիպտոսի Շրջանակային Յանձնաժողովի Արեւնապետ նշանակուած է:

Ան, նոյն արեւնապետին է Գահիրէի Քաղաքական Ժողովին եւ պատասխանատուն Հայոց Ցեղասպանութեան 100-րդ Տարելիցի Ոգեկոչումին Եգիպտոսի Տարածաշրջանային Յանձնախումբին ծիրին մէջ գործող յարուկ հրապարակչական յանձնախումբին:

Տիար Օննիկ Պըլըքտանեանը բնութագրելու համար կարելի է ըսել թէ ան կը յարկանշուի լրջախոհ, հաւասարակշռուած եւ խղճամիտ գործունէութեամբ:

Ասոր վրայ եթէ աւելցնենք համայնքիս փարբեր կառոյցներուն մէջ իր վարած պատասխանատու պաշտօններուն բերումով, ձեռք բերած հարուստ փորձառութիւնը, կ’ամբողջանայ եգիպտահայութեան մէջ կարելոր դեր վերցուցած առաջադար հասարակական գործիչի կերպարը:

Այս առիթով “Տեղեկատու”ն կը ներկայացնէ Տիար Օննիկ Պըլըքտանեանին հետ ունեցած շահեկան հարցազրոյցը:

Հ-ՀԲԸՄ-ը բժշկական, ընկերային եւ ուսումնական ի՞նչ յատկացումներ կ’ընէ եգիպտահայ համայնքէն ներս:

Պ-ՀԲԸՄ-ը, Գահիրէի Մասնաճիւղի Սաթենիկ Չագըր Հիմնադրամի միջոցով Առողջապահական Խնամքի լայնածաւալ ծրագիր մը կը գործադրէ, որ կ’ընդգրկէ բժիշկներու այցեգիններու, դեղերու, տարրալուծումներու, շողարձակումի ստուգումներու եւ վիրահատութիւններու ծախսերը: Այս ծրագիրին համար ՀԲԸՄ-ի տարեկան յատկացումին սահմանը նախապէս 8000 Ե.Ո. էր, իւրաքանչիւր անձի համար:

2015-էն սկսեալ նշեալ գումարը 10000 Ե.Ո.-ի բարձրացաւ: Առողջապահական Խնամքի այս ծրագիրը բոլորին համար է՝ փոխան խորհրդանշական սակի մը վճարումին:

Անշուշտ կը ստուգուի թէ դիմորդները կարիքը ունին օժանդակութեան:

Աւելի ծանր պարագաներու, տարեկան յատկացումին գումարը կ'աւելնայ 50%-ով:

Իսկ կարիքաւոր ընտանիքներու պարագային, որոնք նոյնիսկ ծրագրին մասնակցելու խորհրդանշական գումարը վճարելու կարողութիւնը չունին, ՀԲԸՄ-ը կ'ապահովէ իրենց բժշկական օժանդակութիւնը՝ վերոնշեալ պայմաններով, առանց դեղերու վերաբերեալ որեւէ սահմանափակումի: Երբեմն, ըստ պարագայի, կը վճարուի դեղերու արժէքին 100%-ը:

Որոշ կարիքաւոր ընտանիքներու պարագային, դեղերու ծախսերէն զատ, ամսական օժանդակութիւն մը եւս կը տրամադրուի:

Գալով ՀԲԸՄ-ի համալսարանական կրթաթոշակներու օժանդակութեան, տարեկան 8000 Ե.Ո. պիտոճէ մը կը տրամադրուի համայնքիս բոլոր զաւակներուն:

ՀԲԸՄ-ը նաեւ կ'օժանդակէ հայկական վարժարան յաճախող բոլոր հայ ուսանողներուն, որոնք չեն լրացներ Ազգային Առաջնորդարանին կողմէ նախատեսուած պայմանները:

Հ-Իբրեւ Գահիրէի Քաղաքական Ժողովի Ատենապետ, կրնայի՞ք տեղեկութիւն տալ թէ Ազգային Առաջնորդարանը ի՞նչ յատկացումներ կ'ընէ համայնքիս անդամներուն կրթական եւ բժշկական մարզերէն ներս:

Պ-Կրթական առաջին յատկացումներու մասին եթէ խօսինք, արդէն երրորդ տարին է որ Առաջնորդարանը Գալուստեան-Նուպարեան Ազգային Վարժարանի, առաքելական համայնքին պատկանող աշակերտներուն համար ուսումը բոլորովին անվճար ըրած է, որպէսզի քաջալերէ հայ ընտանիքներուն, իրենց զաւակները հայկական դպրոց ղրկելու:

Մօտաւորապէս 100-120 աշակերտ կ'օգտուին Առաջնորդարանին օժանդակութենէն:

Կը կարծենք որ 2015-ին Առաջնորդարանին կողմէ աշակերտներուն տրամադրուելիք կրթական օժանդակութեան գումարը պիտի անցնի 1,5 միլիոն Ե.Ո.-ի սահմանը:

Գալով համալսարանականներու օժանդակութեան, Առաջնորդարանը մինչեւ վերջերս Եղիայեան ֆոնտին միջոցով, տա-

րեկան 3000 Ե.Ո. օժանդակություն կ'ընէր: Կեանքի սղութեան հետեւանքով այդ գումարը բարձրացած է 12000 Ե.Ո.-ի, ապա մինչեւ 20000 Ե.Ո.:

Սակայն երբ ուսանողներու թիւը աւելցաւ, ֆոնտին եկամուտը չբաւեց: Այդ պատճառով Աղա Կարապետ Գալուստի անունով կրթական նոր ֆոնտ մը հաստատուեցաւ եւ 2013-էն սկսեալ ան եւս կ'օժանդակէ ուսանողներուն: Սակայն Աղա Կարապետ Գալուստ ֆոնտը միայն հայ առաքելական համայնքին զաւակներուն համար է, իսկ Եղիայեան ֆոնտը՝ բոլոր հայ ուսանողներուն համար: Աղա Կարապետ Գալուստի ֆոնտէն օգտուելու համար ուսանողները անշուշտ Գալուստեան-Նուպարեան Վարժարանը պէտք է աւարտած ըլլան, որպէսզի ամբողջական գումարով օգտուին: Այսինքն՝ եթէ աւարտած են վարժարանին լրիւ շրջանը՝ երրորդ երկրորդական բաժինը, 100% կը ստանան, եթէ պատրաստական բաժինը աւարտած են՝ 75%, եթէ նախակրթարանի բաժինը աւարտած են՝ 50%: Իսկ անոնք որ միայն մանկապարտէզը աւարտած են կամ բնաւ չեն յաճախած հայկական վարժարան՝ 25% կը ստանան: Աղա Կարապետ Գալուստ կրթական ֆոնտը կ'օժանդակէ նաեւ այն ուսանողներուն, որոնք համալսարանը աւարտած են լաւ արդիւնքով եւ կը փափաքին շարունակել իրենց ուսումը մագիստրոսի աստիճանին համար:

Կրթական օժանդակութեան գումարը մինչեւ 2014 թուական 20000 Ե.Ո. էր առաւելագոյնը՝ իւրաքանչիւր ուսանողի համար: Նկատի ունենալով կեանքի սղութիւնը եւ համալսարանական թոշակներու բարձրացումը, 2015-ի համար Թեմական Ժողովը ընդունեց Քաղաքական Ժողովին առաջարկը, որ օժանդակութիւնը 30000 Ե.Ո.-ի բարձրանայ:

Ներկայիս 22 սան կ'օգտուին Եղիայեան ֆոնտէն եւ 32 սան՝ Աղա Կարապետ Գալուստ ֆոնտէն:

Գալով Առաջնորդարանի բժշկական օժանդակութեան, անիկա 2012-էն սկսեալ նոր ծրագիր մըն է: Առաջնորդարանը իր սեփականութիւնը եղող ընդհանուր 2000 ֆէտտան երկրագործական հողերէն փոքր մաս մը՝ մօտ 10-20 ֆէտտանի չափ ծախելով, լաւ դրամագլուխ մը ունեցաւ եւ այս ծախսալից օժանդակութիւնները սկսաւ ընել:

Իւրաքանչիւր անձի համար նախատեսուած 20000 Ե.Ո. բժշկական օժանդակութիւնը կը յատկացուի հիւանդանոցի, խտացեալ խնամքի կամ վիրահատութեան պարագաներուն:

Իսկ աւելի ծախսալից կամ բացառիկ հիւանդութիւններու եւ

վիրահատություններու պարագային (սիրտ, քաղցկեղ եւայլն), ըստ Քաղաքական Ժողովի հայեցողութեան, կարելի է մինչեւ 10000 Ե.Ո. յաւելեալ գումար մը տրամադրել:

2013 թուականին մօտաւորապէս 60 հոգի օգտուած են այդ օժանդակութենէն, որոնց համար 970000 Ե.Ո. ծախսուած է: 2014-ին՝ մէկ միլիոնը քիչ մը անցած է: Իսկ 2015-ին Թեմական Ժողովը դարձեալ ընդունեց Քաղաքական Ժողովին առաջարկը եւ բժշկական օժանդակութեան գումարը բարձրացուց 40000 Ե.Ո.-ի, ծանր պարագաներուն 50 % մը եւս աւելի տալու նախատեսութեամբ: Կը կարծուի որ 2015-ի ընթացքին, այս ծրագրին պիտոճեն կրնայ անցնիլ 2 միլիոն Ե.Ո. գումարը:

Այս ծրագիրը կը վերաբերի հայ առաքելական համայնքին զաւակներուն:

Հ.- Հայոց Ցեղասպանութեան 100-րդ տարելիցի ոգեկոչման առիթով յանձնախումբ մը կազմուած է: Ի՞նչ են այդ յանձնախումբին առաքելութիւնը եւ հիմնական նախաձեռնութիւնները:

Պ.-Գահիրէի Ազգային Առաջնորդարանը ձեռնարկած է չորս հոգինոց յանձնախումբ մը կազմելու երեք աւանդական կուսակցութիւններու ներկայացուցիչներէն եւ ինձմէ, որ որպէս Քաղաքական Ժողովի ատենապետ՝ կը հետեւիմ աշխատանքներուն:

Ամիսը 2-3 անգամ, ըստ կարիքի կը հաւաքուինք եւ ներկայացող հարցերը կը քննարկենք: Ցեղասպանութեան Ոգեկոչման Յանձնախումբին դերն է եգիպտացի արաբ ժողովուրդին տեղեկացնել թէ ինչ էր այս ցեղասպանութիւնը, ինչ էր պատմութիւնը եւ անոր հետեւանքները, սիրաշահիլ եւ լուսաբանել զիրենք: Միաժամանակ հետաքրքրութիւն ստեղծել, որպէսզի մեր մասին գրելով Եգիպտոսի ժողովուրդին հասցնեն հայերուս դատը:

Հ.-Ցեղասպանութեան 100-ամեայ տարելիցին նուիրուած մեծածաւալ միջոցառումներ պատրաստուած են ամէնուրեք: Ի՞նչ քայլեր եւ ծրագրեր ձեռնարկած է Եգիպտահայ համայնքը եւ Ցեղասպանութեան Ոգեկոչումի Յանձնախումբը (դասախօսական, տեղեկատուական եւայլն):

Պ.-Այդ ուղղութեամբ Եգիպտոսի շարք մը համալսարաններու մէջ քննարկումներ եւ դասախօսութիւններ կը կազմակերպենք Հայկական Հարցին մասին՝ Էյն Շամսի, Աղեքսանդրիոյ եւ Մանսուրայի համալսարաններուն մէջ, յատկապէս պատմութեան եւ գրականութեան ուսանողներուն համար:

Նոյն ատեն, մեծ ձեռնարկ մը կազմակերպեցինք Աղեքսանդրիոյ գրադարանին մէջ, նուիրուած հայութեան եւ մասնաւորապէս Պօղոս Պէյ Եուսուֆեանին: Այս ձեռնարկը կը միտէր եգիպտացի ժողովուրդին ծանօթացնելու եւ տեղեկացնելու թէ հայերը ինչ մեծ դեր ունեցած են ժամանակակից Եգիպտոսի կառավարութենէն ներս:

Երրորդ՝ մեծ աշխատանք կը տարուի հեռատեսիլի միջոցով մեր հարցը բարձրաձայնելու եւ լսելի դարձնելու աւելի լայն հանրութեան: Հասանք այն բանին որ շատ մը կայաններ սկսան հայերու մասին խօսիլ եւ հիւրեր ու մասնագէտներ ներգրաւեցին ծրագիրներէն ներս, ուր քննարկումներ եղան Հայ Դատի մասին: Եգիպտացի մասնագէտներ ալ հրաւիրուեցան եւ իրենց տեսակէտները ներկայացուցին:

Այս ամբողջ գործունէութիւնը կը ծաւալենք, յուսալով որ ի վերջոյ Եգիպտոսի կառավարութիւնը կ'ընդունի Հայոց Ցեղասպանութիւնը:

Հ.-Ուրիշ ի՞նչ գործունէութիւններ կը ծաւալէ Յանձնախումբը գաղութէն ներս եւ դուրս՝ ներհամայնքային ձեռնարկներ, մշակութային, այլ գաղութներու հետ աշխատանքներու համադրում եւայլն:

Պ.- Գլխաւոր մեծ գործունէութիւնը, որ տարուեցաւ այն էր որ հեռատեսիլի առաջաւոր կայանի մը երկու ներկայացուցիչներ Հայաստան մեկնեցան եւ հոն շատ կարեւոր հանդիպումներ ու հարցազրոյցներ ունեցան Ամենայն Հայոց Կաթողիկոս Գարեգին Բ-ի հետ, Սփիւռքի նախարար Հրանդ Յակոբեանի հետ, ՀՀ նախագահի աշխատակազմի ղեկավար Վիգէն Սարգսեանի հետ, տնտեսութեան նախարար Կարէն Ճշմարիտեանի եւ պետական այլ պատասխանատուներու հետ: Անոնք մաս առ մաս իրենց հեռատեսիլի կայանէն հեռասփռեցին այդ տպաւորիչ հարցազրոյցները եւ եգիպտացի մասնագէտներ հրաւիրուած էին՝ վերլուծելու համար թէ ինչպէս կը խօսին, ինչերէ անցած է նորանկախ Հայաստանը եւ ինչպէս արդէն ոտքի կանգնած: Գրեթէ մէկ ամիս, շաբաթը 3-4 անգամ իրենց նկարահանումները կը կր հեռասփռէին:

Ասիկա արաբական հեռատեսիլի առաջին կայանն է, որ գնաց Հայաստան եւ նկարահանեց. նախապէս միայն պարզ թղթակիցներ կ'երթային եւ յօդուածներ կը գրէին: Ասոնց նկարահանածը այնքան յաջողութիւն գտաւ, որ հեռատեսիլի մօտ վեց կայան ցանկութիւն յայտնեցին Հայաստան երթալու, եգիպ-

տահայոց Առաջնորդարանին՝ Ապրիլ 20-26 կազմակերպած չուերթով եւ ներկայ գտնուիլ Ցեղասպանութեան 100-րդ տարելիցի ոգեկոչումին բոլոր արարողութիւններուն: Մենք իրենց կը բացատրենք թէ Ապրիլ 20-26-ի շրջանին ինչ ծրագիրներ պիտի ըլլան հոն: Հաւանաբար 20 զանազան պարբերաթերթերու կարելոր թղթակիցներ եւս միանան այս խումբին:

Ասիկա կը կարծեմ որ շատ մեծ արձագանգ պիտի գտնէ Եգիպտոսէն ներս:

Հեռատեսիլի այդ նոյն կայանէն ծրագրած են Լիբանան մեկնիլ եւ հարցազրոյցներ ունենալ Կիլիկիոյ Արամ Կաթողիկոսին եւ Հայ Կաթողիկէ Պատրիարք՝ Ներսէս - Պետրոս ԺԹ հետ, հայ որբանոցի որբերու գորգերու ցուցադրութեան մասնակցիլ եւայլն:

Մարտին Հայաստանի մէջ համաժողով մը պիտի կազմակերպուի, որուն Եգիպտոսէն պիտի մասնակցին մեր կողմէ ընտրուելիք եգիպտական Զանգուածային Լրատուական Միջոցներու ներկայացուցիչները:

Մեր յանձնախումբը կը պատրաստուի մեծ ցուցահանդէս մը կազմակերպելու ցեղասպանութեան մասին, ջարդերու պատկերներով:

Վերջերս, երբ քանի մը հոգի Հայաստան գացած էին, Մշակոյթի Նախարարութեան եւ Ցեղասպանութեան Թանգարանի պատասխանատուներէն որոշ նկարներ, որմազդներ (*փոսթըր*ներ) ձեռք բերին, որոնք կը պատրաստինք ցուցադրել: Կը յուսանք օփերային մէջ, քանի մը օրուան համար տեղ մը վարձել եւ նոյն ատեն Լրագրողներու Ընկերակցութեան մէջ սահմանափակ տարողութեամբ ուրիշ ցուցահանդէս մը կազմակերպել:

Պիտի փորձենք նաեւ Հայաստանի եւ Եգիպտոսի Մշակոյթի Նախարարութիւններու եւ մեր դեսպանատան միջոցով, Հայաստանի երգի-պարի համոյթին ելոյթը կազմակերպել հոս:

Գալով Ազգային Առաջնորդարանի գործունէութեան, Յունուարին ցեղասպանութեան վերաբերող շարժապատկերի մը ցուցադրութիւնը կազմակերպուեցաւ: Իսկ 28 Փետրուարին, Մոնթրէալէն մասնաւորաբար հրաւիրած է Թէքէեան Մշակութային Միութեան “Հայ Բեմ” թատերախումբը, որ պիտի ներկայացնէ դարձեալ ցեղասպանութեան մասին, Ռիչըրտ Գալինոսքիի “Գազանը Լուսնին Վրայ” թատերախաղը:

Նոյն ատեն, Փոր Սաիտի մէջ Մուսա Լերան գաղթականներու հայոց դամբարան մը կար, որ շատ գէշ վիճակի մէջ էր: Այժմ կը

նորոգուի եւ բացումը պիտի կատարենք այս տարի:

Այդ առիթով պատուիրակութիւն մը պիտի երթայ՝ ներկայ գտնուելու վերանորոգուած դամբարանին օրհնութեան:

Այսպիսով 100-րդ տարելիցին առիթը օգտագործելով եւ բոլորովին նորոգութեան ենթարկելով հայկական մոռցուած դամբարանը, յուշարձան մը կանգնեցուցած կ'ըլլանք մեր զոհերուն յիշատակին:

Իսկ Ապրիլ 23-ին, Էջմիածնի մէջ Ցեղասպանութեան նահատակները սրբադասելու արարողութիւնը պիտի կատարուի: Էջմիածինէն խնդրուեցաւ որ բոլոր համայնքները այդ պատարագը նկարահանեն եւ մեծ պաստառներու վրայ ներկայացնեն՝ իրենց եկեղեցիներու մէջ: Ատիկա Հայաստանի մէջ տեղի պիտի ունենայ Ժ. 5.15-էն մինչեւ Ժ. 7.15, կամ Ժամը 19.15՝ որ կը խորհրդանշէ 1915 թուականը: Պաստառի վրայ սրբադասման արարողութիւնը ցուցադրելու ժամանակ, “Սուրբ-Սուրբ” եւ “Հայր Մեր” երգերը պիտի հնչեն Գահիրէի Ազգային Առաջնորդարանի “Արաքս” երգչախումբին կատարմամբ:

Ատկէ վերջ, ոգեկոչումի համար եկեղեցւոյ զանգերը 100 անգամ պիտի հնչեն:

Նկատի ունենալով որ մեր համայնքի անդամներուն մեծ մասը Հայաստան պիտի գտնուի Ապրիլ 24-ին, Առաջնորդարանը որոշեց Մայիսի մէջ յիշատակի մեծ ձեռնարկ մը կազմակերպել, որուն մանրամասնութիւնները դեռ պիտի որոշենք:

Հ.-Հրատարակչական ուղղութեամբ ի՞նչ գործունէութիւն կը ծաւալէ Յանձնախումբը:

Պ.-Առաջին քայլը՝ վերջին չորս տարիներուն ընթացքին, ամէն տարի քանի մը օտար կարելոր թերթերու, պարբերաթերթերու թղթակիցներ շաբթուայ մը համար Հայաստան կը ղրկենք, որպէսզի տեսնեն Հայաստանը, յօդուածներ գրեն անոր մասին եւ հարցազրոյցներ ընեն հայ ժողովուրդին հետ: Աս ամէնը կ'օգնէ որ օտարները քիչ մը գաղափար կազմեն եւ չմտածեն թէ ցեղասպանութիւնը պատմութեան անցած է եւ մոռցուած:

Երկրորդ՝ շարք մը գիրքեր կը տպագրենք եւ կը բաժնենք կարելոր անձերու եւ տեղերու, նոյնիսկ Եգիպտոսէն դուրս կարգ մը երկիրներու:

Արդէն տպագրած ենք հետեւեալ գիրքերը.

1-Հայկական Դատը Արաբական Աղբիւրներու Մէջ.

2-Աղեքսանդրիոյ Հայերը եւ Իրենց Դերը Եգիպտական

Կեանքին Մէջ.

3-Հայկական Դատը Կարելոր Ժողովներու-Նիստերու Մէջ.

4-Հայկական Ցեղասպանութիւնը Օսմանեան Կայսրութեան Մէջ -1915-1916.

5-ՄԱԿ-ը եւ 1948-ի Իր Որոշումը “Ցեղասպանութիւն” Բառի Մասին եւ Հայերու Պարագան Օսմանեան Կայսրութեան Շրջանին.

6-Հայկական Ցեղասպանութիւնը Ինչպէս Որ Նկարագրած է Ֆայէզ Էլ Ղոսէյնը, (ասիկա արաբական առաջին գիրքերէն է՝ ցեղասպանութեան ականատես-վկայի մը կողմէ գրուած 1917-ին).

7-Արդէն հրատարակուելու մօտ է Հէնրի Մորկէնթաուի վկայութիւնը.

8-Նախատեսած ենք անգլիական եւ ֆրանսական աղբիւրներու վկայութիւնները:

Կը յուսանք գոնէ 12 գրքոյկ հրատարակել:

Ասոնք նախատեսած ենք ընթերցող լայն հասարակութեան համար:

Հրատարակած ենք նաեւ գլխաւոր գիրք մը՝ “Ատանայի Զարդերը” արաբերէնով, որ նախատեսուած է ակադեմականներու եւ մասնագէտներու համար:

Այս ամէն գիրքերը անվճար կը բաժնենք հոս արաբական երկիրներու դեսպանատուներուն, արաբական երկիրներուն, համալսարաններու դասախօսներուն, լրագրողներուն եւայլն:

Մեր գլխաւոր նպատակը ԶԼՄ (Զանգուածային Լրատուական Միջոցներ) շահիլն է ու յստակացնել մեր հարցերը, որպէսզի եգիպտացի նոր սերունդը, որ բացարձակ տեղեակ չէ թէ ցեղասպանութիւն եղած է, գիտնայ թէ հայ ազգը ինչ դժուարութիւններ դիմագրաւած է:

Հ.-Ի՞նչ գործունէութիւններ կը ծաւալէ ՀԲԸՄը Հայոց Ցեղասպանութեան 100-րդ տարելիցի ոգեկոչման ուղղութեամբ:

Պ. - Ցեղասպանութեան 100-րդ տարելիցին առիթով ՀԲԸՄը երկու գլխաւոր գործունէութիւն ստանձնած է:

Առաջին մեծ ծրագիրը, Տոքթ. Ռէյմոն Գէորգեանի “LE GENOCIDE DES ARMENIENS” գիրքին արաբերէնով լոյս ընծայումն է եւ արդէն վերջին քայլերուն հասած ենք ու շուտով կը սկսինք տպել: Ասիկա մեծածախս ծրագիր մըն էր, որովհետեւ գիրքը շատ ծաւալուն է:

ՀԲԸՄ-ի 2-րդ գլխավոր մեծ ծրագիրը՝ արաբական բոլոր թերթերուն մէջ, 1876-էն մինչեւ 1923՝ ինչ որ գրած են Հայոց Ցեղասպանութեան մասին, լուսապատճէն ընելով հաւաքեցաւ եւ հիմա կը շարուի՝ տարուէ-տարի զանազան նիւթերով, որպէսզի հրատարակուի: Բացառիկ գործ մըն է, որ տասը տարիէն աւելի աշխատանք պահանջած է եւ յոյս ունինք որ մէկ մասը, գոնէ Ապրիլ 24-էն առաջ լոյս տեսնէ: Անշուշտ 100-րդ տարելիցի տարուան ընթացքին պիտի ամբողջացուի աս գործը: Ասիկա կարելոր տեղեր պիտի հասցնենք, նաեւ Հայաստանի Մատենադարանին եւ Ցեղասպանութեան թանգարանին:

Հ.-Ըստ Ձեզ, ի՞նչ է երէց սերունդին պարտականութիւնը նոր սերունդին հանդէպ:

Պ.–Մեր պարտականութիւնը, մարտահրաւերը հայապահպանումն է: Ասիկա մեզի համար մեծ մտահոգութիւն է, որովհետեւ դժբախտաբար վերջին տարիներուն խառն ամուսնութիւնները բաւական շատ են: Ատիկա պատճառ պիտի դառնայ որ ապագայ սերունդին հայերէնի, ազգային պատմութեան, լեզուի, մշակոյթի գիտակցութիւնը տկարանայ եւ յաջորդ սերունդն արդէն կորուստի ենթակայ պիտի ըլլայ. ինչպէս որ է պարագան Եւրոպայի եւ Ամերիկաներու:

Ուրեմն ասիկա է մեր մտահոգութիւնը եւ պէտք է ծրագիրներ մշակենք որ քաջալերենք հայ երիտասարդները համատեղուելու, զանազան միջոցներով իրարու միանալու եւ ակումբները՝ իրարու հետ գործակցելու, մէկ կողմ դնելով զանազան բաժանումները: Երիտասարդները արդէն սկսած են իրարու մօտենալ, բայց պէտք է աւելի ծրագիրներ մշակուին հայկական ակումբներէն ներս, որպէսզի իրարու հետ գործունէութիւն ծաւալեն:

Գալով Առաջնորդարանին, ան աւելի ծրագիրներ պէտք է մշակէ: Մեր միտքին մէջ միշտ առկայ է հայ ամուսնութիւնները քաջալերելու խնդիրը: Պէտք է օգնենք նոր ամուսնացողներուն՝ յարկաբաժիններ տրամադրելով կամ գումարով մը օժանդակելով անոնց, որպէսզի իրարու հետ աւելի դիւրութեամբ կեանքը սկսին: Շատ ծրագիրներ կան, բայց պէտք է լաւ մտածել եւ ուսումնասիրել, որպէսզի լուծուի հայապահպանման խնդիրը: Անցեալ տարի գրեթէ եօթը ամուսնութիւններ եղան՝ բոլորն ալ խառն:

Այս է համայնքէն ներս տարուելիք մեր գլխավոր աշխատանքը, որ հայապահպանութեան եւ հայրենասիրութեան ուղղու-

թեամբ առաջին քայլն է:

Անշուշտ ծնողներն ալ իրենց դերը պիտի ունենան հայապահպանումի գործին մէջ, իրենց զաւակներուն մէջ սէր սերմանելով հայ մշակոյթի եւ հայոց պատմութեան հանդէպ:

Հ.-Ի՞նչ կը մաղթեք աշխարհասփիռ հայութեան:

Պ.-Ցեղասպանութեան 100-րդ տարելիցին առիթով կը մաղթեմ որ արաբական երկիրները, ինչպէս նաեւ ուրիշ երկիրներ պաշտօնապէս ընդունին Հայոց Ցեղասպանութիւնը եւ Թուրքիան ալ վերջապէս հաշտուի իր սեւ-կարմիր, արիւնոտ անցեալին հետ եւ ընդունի որ իր նախնիները, ցեղասպանութիւն գործադրած են հայերուս նկատմամբ:

Երկրորդ մաղթանքս որ հայերը համախմբուին եւ հայապահպանումին համար ճիգ թափեն, չմոռնան մայրենին:

*Հարցազրոյցը վարեց
Շաքէ Մարգարեան*

*«Տեղեկատու» Նոր շրջան,
թիւ 74, Յունուար 2015, էջ 3-8*



Ալին Ճիգմէճեան-Պըլլըքտանեան և Օննի Պըլլըքտանեան

ԿԵՆՍԱԳՐԱԿԱՆ ՏԵՂԵԿՈՒԹԻՒՆՆԵՐ

Ուսումնառություն

- 1971 Գահիրեի Քոլէժ Տը Լա Սէնթ Ֆամիյ, Ժեզուիթ - Սանաուէյա Ամմա (Երկրորդական ուսման եգիպտական վկայական)
- 1971-1976 Պատուոյ Յիշատակութեամբ շրջանաւարտ Գահիրեի Ամերիկեան Համալսարանի, Պսակաւոր գիտութեան, քիմիագիտութեան թեքումով
- 1981 Գահիրեի Ամերիկեան Համալսարանէն Վարչագիտութեան Մագիստրոսի աստիճան

Աշխատանքային ասպարէզ

- 1976-1983 արհեստագէտ “Lyonnaise” ներկատան մէջ
- 1983-էն ընդհանուր տնօրէն եւ սեփականատէր “Lyonnaise” ներկատան, (Հիւսուածեղէն ներկելու եւ տպելու գործատուն Գահիրեի մէջ)

Ընկերային եւ Ազգային Գործունէութիւն

Հայ Գեղարուեստասիրաց Միութիւն (ՀԳՄ)

- 1971 անդամ ՀԳՄ-ի Երիտասարդաց Յանձնախումբի
- 1975 ատենապետ ՀԳՄ-ի Երիտասարդաց Յանձնախումբի՝ շուրջ 10 տարի
- 1976 անդամ ՀԳՄ-ի Մայր Վարչութեան, յետագային նոյն վարչութեան գանձապահ՝ աւելի քան 25 տարի

Հայկական Բարեգործական Ընդհանուր Միութիւն

- 1980-2002 անդամ ՀԲԸՄ-ի Գահիրեի Մասնաճիւղի Վարչութեան
- 2002-2007 Ատենապետ ՀԲԸՄ-ի Գահիրեի Մասնաճիւղի Վարչութեան

- 2007-էն Փոխ Ատենապետ ՀԲԸՄ-ի Գահիրէի Մասնաճիւղին (Գահիրէի Քաղաքական Ժողովի Ատենապետ ընտրուելուն առիթով)
- 1985-2014 գանձապահ ՀԲԸՄ-ի Եգիպտոսի Շրջանակային Ցանձնաժողովին
- 2014 (Հոկտեմբեր) Ատենապետ ՀԲԸՄի Եգիպտոսի Շրջանակային Ցանձնաժողովին

ՀՄԸՄ ՆՈՒՊԱՐ Մարզական Ակումբ

- 2006-2011 անդամ ՀՄԸՄ ՆՈՒՊԱՐ Մարզական Ակումբի վարչութեան

Գահիրէի Ազգային Առաջնորդարան

- 1987-էն Գահիրէի Թեմական Ժողովի անդամ

Քաղաքական ժողովի Ատենապետ, տարբեր շրջաններու.

Ապրիլ 2007-Նոյեմբեր 2007

Դեկտեմբեր 2007- Նոյեմբեր 2009

Դեկտեմբեր 2011-Նոյեմբեր 2013

Նոյեմբեր 2013-Նոյեմբեր 2017

Նոյեմբեր 2021- Նոյեմբեր 2023 (Մահացած Օգոստոս 2022-ին)

ԿՐԿԻՆ ԲԱԺԱՆՈՒՄ

Երբ Նոյեմբեր 2019-ին հիւանդանոց այցի գացինք մեր տարիներու անզուգական ու անկեղծ բարեկամ Օննիկ Պըլըքտանեանին, ծաղկած գեղեցիկ **օրշիպէի** թաղար մը դրուած էր հիւանդին ճիշդ դիմացը: Մթնոլորտը ծանր էր, քանի որ բժիշկները տակաւին ախտաճանաչում մը չէին կարողացած ընել Օննոյին վիճակին մասին: Բարեբախտաբար ան շուտով վերագտաւ առողջութիւնը եւ վերադարձաւ իր բնականոն կեանքին:

Օր մըն ալ Արշօն, «դուն այս տեսակ բաներ կը սիրես, ես պիտի չկարենամ հոգ տանիլ անոր», ըսելով օրշիպէի թաղարը նուիրեց ինծի: Բոյսը եկաւ գրաւելու պատուական տեղ մը խոհանոցին պատուհանին դիմաց ու զայն կոչեցի «Օննոյին **օրշիպէ**»ն:

Առաջին անգամ 1970-ական տարիներուն էր, երբ լսեցի Օննոյին մասին: Մեծ հայրիկս, Սարուխանը, բաւական հիացումով յայտնեց, թէ Արթօ Պըլըքտանեանի որդին, Օննօն, սկսած էր **պրիճ** խաղալ իրենց հետ: Այն ժամանակ Օննօն 20 տարեկանը քիչ մը անց երիտասարդ մըն էր, որուն **պրիճի** վեթերաններու հետ սեղան նստիլու յանդգնութիւնը զարմանք պատճառած էր շատերու: Ան շնորհիւ իր քաղաքավար վարմունքին, խելացի խօսակցութեան ու տարիքին համեմատ հմուտ խաղարկութեան շուտով վայելեց խաղընկերներուն համակրանքը, նոյնիսկ անոնց, որոնք սկիզբը վերապահ գտնուած էին իրեն հանդէպ:

Տարիներ ետք, երբ բոլորս ամուսնացանք ու ընտանիք կազմեցինք, իսկապէս մտերմացանք Օննոյին հետ, կարծէք մանկութեան ընկերներ եղած ըլլայինք: Իր **պրիճի** խումբին անդամները շատո՛նց քաղցր յիշատակի վերածուած էին եւ Օննօն ի զուր փորձեց մեր մէջ հետաքրքրութիւն սերմանել այդ խաղին հանդէպ ...:

Միաժամանակ ունեցած ենք մեր զաւակները, Կոկանեան Սրահի եւ ՀՄԸՄ ՆՈՒՊԱՐԻ մէջ միասին անցուցած ենք մեր երեկոները, դէպի ծովեզերքներ միասին ըրած ենք մեր բոլոր ճամբորդութիւնները, միասին տօնած ենք տարեդարձներ ու կադանդներ ... Մէկ խօսքով՝ մեր երջանիկ տարիները անցուցած ենք միասին:

Սակայն անողոք հիւանդութիւնը սկսած էր արդէն նենգաբար իր ճիրանները մխրճել անոր մարմնին մէջ: Ի զուր կը փորձէի

լաւատեսութեան նշոյլներ տեսնել «Օննոյին **օրշիպէ**»յին թարմ տերեւներուն եւ գունագեղ ծաղիկներուն մէջ: «Քանի որ իր թաղարը առողջ է, անիկա անպայման պիտի լաւանայ», մտածելով կը խաբէի ինքզինքս:

Առաւօտ մըն ալ, բոյսին մէկ մեծ տերեւը ինկած գտայ ու յոռետես մտքեր պղտորեցին ուղեղս ...:

Հիմա «Օննոյին **օրշիպէ**»յին դիմաց նստած կը յիշեմ անոր կենսունակ խառնուածքն ու բարի ժպիտը, որոնք ասուպի նման անհետացան:

Մնաս բարով սիրելի ընկեր:

*Սօսի Ներերեան-Յակոբեան
Հոկտեմբեր 2022*



Զախէն՝ Վիգէն Ճիգմէճեան, Ասփէ Ճիգմէճեան և Օննօ Պըլըքտանեան

ՑՏԵՍՈՒԹԻՒՆ

Մանէ Ճիզմէճեան, փոքր դուստրը անժամանակ մահացած փոքր. Վիզէն Ճիզմէճեանի, Դիմապետրի իր էջին անգլերէնով գրած է.

Միշտ կրցած եմ զգացումներս գիրով արտայայտել, բայց առաջին անգամն է, որ ոչ մէկ բառ կրնայ իրապէս նկարագրել ինչ որ կը զգամ: Դուն մեր սրտերուն մէջ այնպիսի բացուածք մը ձգեցիր, որ միայն աղօթքները կրնան բուժել: Կը շարունակեմ ամէն օր արթննալ եւ յուսալ, որ այս բոլորը մղձաւանջ է միայն:

Երբ Օննօն՝ քեռիս եւս հեռացաւ մեզմէ, իմ սկզբնական մղումս էր զանգել քեզի, հայրիկ, եւ պատմել ցաւս. բայց իրականութիւնը հարուածեց զիս. հասկցայ թէ որքան իրական էր այս բոլորը, թէ դուք երկուքդ ալ վերջնականապէս հեռացած էք մեզմէ, այդպէս պարզօրէն, տասը օրուան տարբերութեամբ: Դժուար է այս նոր իրականութեան հետ հաշտուիլը. բայց անարդարութիւն պիտի ըլլար ձեզի հանդէպ, եթէ մենք մեզ պարապ զգայինք, երբ դուք այնքան բան ձգած էք ձեր ետին:

Հակառակ այս մեծ ցաւին, ես ինքզինքս բախտաւոր կը զգամ, որովհետեւ մեծցեր եմ ընտանիքի մը մէջ, ուր սէրը, բարութիւնն ու կարեկցանքը միշտ առաջին տեղը գրաւեր են, եւ ուր մենք, ձեր օրինակով, սորվեր ենք տալ եւ ներել:

Կ'ըսեն՝ լաւ բաները չեն մնար: Թերեւս ասիկա ճիշդ է, միայն մասամբ, որովհետեւ ձեր հսկայ աշխատանքը, եւ այն բոլորը որ տուեր էք սրտանց եւ խոնարհաբար, յաւերժ կը մնան ...

Դրախտին մէջ ալ պիտի ունենաք ձեր «մինի» ժողովները եւ ոգեշնչէք մեզ վերէն, շարունակելու համար ձեր կատարած աշխատանքը: Ամուր կառչեցէք իրարու, ինչպէս մենք կ'ընենք հոս, մինչեւ բոլորս միանանք մեր բարի եւ ողորմած Հօր եւ Յիսուս Քրիստոսի ներկայութեան:

Ցտեսութիւն, սիրելի հայրս Վիզէն Ճիզմէճեան եւ սիրելի մօրեղբայրս Օննօ Պըլըքտանեան: Աղօթեցէք, որ այս դժուար պահերուն խաղաղութիւն, համբերութիւն եւ ոյժ գտնենք:

ԲՈՎԱՆ ԴԱԿՈՒԹԻՒՆ

-Մահազդ

-Փոխան Յառաջաբանի

ՀԲԸՄի Գահիրէի Մասնաճիւղին Խօսքը

-Գահիրէի Պատկառելի Թեմական Ժողովին Խօսքը

Տոբթ. Սուրէն Պայրամեան

-Արհիպապատիւ Տ. Գրիգոր Օգոստինոս Եպս. Գուսանի Խօսքը

-ՀՀ դեսպան Հր. Փոլատեանի Խօսքը

-ՀԲԸՄի Նախագահ Պերճ Սեդրակեանի Խօսքը

-ՀԲԸՄի Երևանի Նախագահ Վազգէն Եագուպեանի Խօսքը

-Դոկտ. Երուանդ Զօրեանի Խօսքը

-Պէյրուքի ՀԵԸի Խօսքը

-Ցաւակցագիր ՌԱԿի կողմէ

-Հարցազրոյց Օննօ Պըլլըքտանեանի հետ

-Կենսագրական Տուեալներ

-Կրկին Բաժանում ***Սօսի Ներերեան-Յակոբեան***

-Ցտեսութիւն ***Մանէ Ճիզմէճեան***

